

րութեանս զհաստատութիւն ըստ օրինակի այլոց եղբայրութեանց, և առ ի բազմաբարեւոյն անկեղութեամբ յառաջագոյն լինել օր քան զօր՝ ապաւինեալք ի մարդասիրութիւն ամենակալին աստուծոյ և ի հեղինակութիւն երանելի առաքելոցն պետրոսի և պօղոսի, շնորհեմք զլիակատար ներողութիւն ամենեցուն՝ որոց միանգամ մտանեն յայսմհետէ ի նախաճառեալ եղբայրութիւն արք և կանայք ի քրիստոս հաւատացեալք ի նախայիշատակեալ ազգէն, եթէ յաւուր մտից իւրեանց ճշմարիտն սրտիւ զղջան և խոստովանեալ հաղորդին ի սուրբ խորհրդոյն:

Նոյնպէս զլիակատար շնորհեմք ներողութիւն եղբարց և քերց եթէ՛ յարդիս գրելոցն, և եթէ՛ որոց ըստ ժամանակի հանդերձեալ են գրիլ յայն եղբայրութիւն՝ յոր և իցէ վայրկեան ժամու իւրեանց, եթէ՛ նմանօրինակ զղջան, և խոստովանեալ ընդունին զսուրբ հաղորդութիւն. կամ եթէ՛ զայն առնել ոչ զօրեն՝ գէթ զղջմամբ զանունն յիսուսի բերանով՝ թէ հնար է, ապա թէ՛ ոչ՝ ջերմեռանդն սրտիւ կարդան յօգնականութիւն:

Եւ ևս շնորհեմք առ ի մարդասիրութենէն աստուծոյ, նոցունց իսկ եղբարց և քերց գրելոցն յայժմու ժամանակի և ըստ ժամանակի յայնմիկ եղբայրութեան զամենայն մեղաց իւրեանց լիակատար ներողութիւն և զթողացուցումն, իմա՛ ցորչափ ի բովանդակ սրտէ զղջան, և խոստովանեալ ընդունին զսուրբ հաղորդութիւնն, որք միանգամ ամ ըստ ամէ բարեպաշտութեամբ յայց ելանեն յեկեղեցին կամ ի մատուռն, և կամ յաղօթարանն նախայիշեալ եղբայրութեանս՝ յաւուր զլիակատար տօնի նոցա, (զոր նոցին իսկ եղբարցն է անկ որոշել միանգամ, և ի կարգաւորեալ առաջնորդէ տեղւոյն առնուլ զհաստատութիւն, սկսեալ զօրն ի նախընթաց երեկոյէ մինչև ի մուտս արևու յաջորդ արևուն), և անդանօր ջերմեռանդ մաղթանս առ աստուած մատուցանեն վասն միաբանութեան քրիստոնեայ թագաւորաց, վասն արմատախիլ բարձման հերձուածոց, և վասն պայծառութեան կաթուղիկէ եկեղեցւոյ:

Եւ ևս զեօթնամեայ ներողութիւն, և նոյնչափ քառասունս շնորհեմք դարձեալ նախասացեալ եղբարց և քերց՝ որք նմանապէս անկեղծութեամբ զղջացեալք խոստովանին, և ընկալեալք զսուրբ խորհուրդն՝ գնան յայց եկեղեցւոյն կամ մատուռն և կամ աղօթարանին եղբայրութեան, և ըստ պահանջելոյ արևուն անդանօր աղօթս առնեն ի չորս այլ պարապոյ արևուր տարւոյն, կամ յոչ պարապոյ և կամ ի տէրունականս, (զոր անկ է դարձեալ նոցունց իսկ եղբարցն՝ ըստ որում և վերագոյնդ ասացաւ՝ ընտրել միանգամ, և յառաջնորդէ անտի ընդունելի լինել):

Իսկ որոց քանիցս անգամ ներկայ գտանին պատարագացն, և այլոց աստուածային պաշտամանց, որք ըստ ժամանակին մատուցին կամ կատարեսցին ուրանօր և է՛ յեկեղեցւոյն կամ ի մատուռն և կամ յաղօթարանի եղբայրութեանս, և կամ ի հրապարակական կամ յառանձնական ժողովս այնր եղբայրութեան. և կամ թէ՛ զաղքատս ընդ յարկաւ ժողովեն, կամ խաղաղութիւն ի մէջ թշնամեացն արկանեն, կամ արկանելոյ լինին պատճառ, և կամ ջանան. և ևս այնոցիկ՝ որք առ ի նպատակել, և ի փրկել ի գերութենէ զառ ի քրիստոս հաւատացեալս, կամ զարգելեալս ի բանտի, և կամ առ ի գերցուցանել յայլ ինչ և է՛ վտանգից, վշտաց և յաղետից՝ զողորմութիւն բաշխեն և կամ ժողովեն ի նոյն պէտս. դարձեալ և այնոցիկ՝ որք զմարմինս անթաղ մեռելոց եթէ՛ եղբարց և քերց (եղբայրութեանս), և եթէ՛ զօտարացն յուղարկաւորեն ի գերեզման, և կամ ըստ ժամանակին ընթացակից լինին որ և է՛ թափօրոց (որ պարտի լինել ի հրամանէ առաջնորդին). և կամ ընկերին՝ երբ տարեալ լինի սուրբ հաղորդութիւնն ի հանդիսաւոր թափօրի, կամ երբ առ հիւանդս ամեն, և յայլ որ և է՛ տեղի, և որով և իցէ օրինակաւ այն լինի. կամ՝ եթէ՛ խափանին զայս առնել՝ ի հնչել զանգակի ի նշան այնր, մի անգամ և եթէ՛ ասեն զտէրունական աղօթքն, և զհրեշտակական ողջոյնն, և կամ նաև հնգիցս գնոյն զայն ասեն աղօթս Հայր մեր և Ողջոյն, վասն հոգւոց ննջեցեալ եղբարց և քերց եղբայրութեանս, և կամ զմոլորեալ զոք դարձուցանեն ի ճանապարհ փրկութեան, և ուսուցանեն տգիտաց զպատուիրանս աստուծոյ, և զորս կարևորքն են առ փրկութիւն, կամ զոր և է՛ այլ զործս կրօնի կամ զողորմածութիւն կատարեն, նոյնչափ անգամ ըստ միոյ միոյ ի նախայիշատակեալ գործոցն՝ զոր առնեն, շնորհեմք ըստ սովորական ձևոյ եկեղեցւոյն զվաթսուն: